

清代政治思想序

王雲五

本書爲中國政治思想史之第六冊，其涵蓋時期爲有清一代。本書與前出諸冊皆按各思想家之卒年序列，故明人而卒於清代者，概歸入清代；清人卒於民國者，自亦屬於民國。

基此原則，明代遺逸如黃宗羲、顧炎武、王夫之、朱之瑜等，雖堅不臣清，以其卒年皆在清代，遂視同清人；反之，清末之康有爲、梁啓超，以卒於民國，亦列入民國。

清代學者名臣輩出，然以政治思想家言，則康熙中葉以後，道光鴉片戰爭以前。合於此條件者，寥寥無幾；偶有合者，亦多語焉不詳，或避重就輕；推原其故，則初以文字之獄過嚴，繼則齟齬有術，使優秀分子咸趨於考據之學；故此時期之著名學者雖多，大都埋首古籍，逃避現實。間有少數卓越人材，於委身政府之時，直言敢諫。然其立言尺度，多不超越現實政治，匪發表其改善行政之溫和主張，不敢談論有關政治之根本。其範圍既有制限，思想自難免貧乏。於是清代之政治思想，祇燦爛於清初少數之遺逸間，如黃王諸賢，其著作初則藏諸名山，得漏網於清室統治權尚未鞏固之際；及鴉片戰爭後，門戶大開，瓜分可慮；愛國之士痛心於危如累卵之國勢，不憚放言高論，以圖挽救，如洪楊勦後之王韜，戊戌犧牲之譚嗣同，其代表也。

本書取材，除於亂世所出之英才中，摘舉其代表者之言論外，在思想受有拘束，側重考據學術之時代，則盡量發掘，對於改良行政之促狹範圍，片長必采。結果在整個清代中，共得二十有三人，表面上洋洋大觀，實際上則寬嚴不一；以視先秦政治思想一書，在分量上幾倍增，而其內容則因先秦列國並立，學者不適於甲國者，得見容於乙國，議論遂能縱橫，思想得以自由發揮；其貧，其富，相去遠矣。

余所藏清人著作特多，所讀尤廣，顧有如滄海撈珠，費力多而收獲少，往往通讀一巨籍而所得殊鮮，不得已捨去；蓋本書內容有專屬，非關政治主張之言論，不宜闖入也。是爲序。

中華民國五十八年十二月三十日